

PETRI BERTII

# ORATIO

In obitum

Reuerendi & Clarissimi viri  
D. IACOBI ARMINII,  
*SS<sup>a</sup> Theologiae Doctoris & Professoris  
in Academia Lugdunobatana.*

Habita post exsequias in Auditorio Theolo-  
gico xxii Octobr. Anno clc lc cix.



LVGDVNI BATAVORVM

Excudebat Ioannes Patius Typographus  
Academicus. Anno clc lc cix.

1871

1872

1873

1874

1875

1876

1877

1878

1879

1880

1881

1882

1883

1884

1885

PRÆFATIO  
Ad Christianum Lectorem.



*Attere, ut in vestibulo paulisper te la-  
cinia prehensum remorer, Christiane  
Lector; Non ego te longis detinebo ser-  
monum ambagibus: hoc unum com-  
monefaciam: memineris; quum de  
Doctore IACOBO ARMINIO*

*pia memoria multa in nostra Oratione dixerimus,  
nos tamen vix ullam partem attigisse precipuarum  
ipsius virtutum. Fuerunt enim maiora in ipso augu-  
stioraque omnia, quam ut a nobis potuerint predica-  
ri: Attriuit multum de nostris conceptibus sermonis  
inopia: Sed neque ea quæ in ipso fuerunt bona satis di-  
gne animo concepimus: quod ingenuè fatebuntur,  
quotquot præclaras illius virtutes intimè nouerunt.  
Quæquæ ita sint, rogo te obtestorquæ, seponas leuia quæ  
forte concepisti iudicia, beneque de ipso, & Academia  
nostra, deque prudentissimis consilijs Nobilissimorum  
D D. Curatorum, & Illustriũ D D. Ordinum dein-  
ceps & sentias & loquaris. Sat hæcenus priuatis quo-  
rundam suspicionibus indultum sit. Si nomine tuo indi-  
gnum fuit, iniquas de fratre suspensiones concipere, sit  
laudabile conceptas iam tandem deponere. Solent Pa-  
gani certamina sua morte finire; Christiani etiam Solis  
occasu: Tu ne certa cum mortuo; nec patere Christia-  
num vinci a Gentili. Nunc ille fructus gaudet labo-*

4  
rum suorum; tu fac eundem aliquando consequare. Im-  
primis verò (quod IPSE dum vixit prudenter mo-  
nuit) veritate in scripturis sacris patefacta contentus,  
fuge curiosas de rebus diuinis disceptationes. Non di-  
sputando Deus colitur, sed obsequio. Nō est ita curiosa  
religio. Quid deliberas? quid agendi tēpora disceptan-  
do transmittis, euocādus ex vitā priusquam statueris  
aliquid? Quid altercando charitatem excludis? Scien-  
di via brevis est, agendi longa. Credis? age. Cogita non  
exacturum abs te Deum quantum disputaueris, sed  
quantum vixeris; hoc est, quam piē, modestē, castē, le-  
niter, patienter egeris. Si tam operosē credendum est,  
quis tandem saluabitur? Et quum omnia scire volue-  
ris, quando illud facies, quod monet Dominus, Quis-  
quis vult discipulus meus esse, abneget semetipsum, &  
tollat crucem suam? Certē quum plurimum sciueris,  
vinceris a Diabolo. Proinde, si quod est solatium chari-  
tatis, si qua communio spiritus, si qua viscera & mi-  
serationes, talis esto in IPSVM, quales in te reliquos  
mortales esse volueris. Vale. Dat. Lugd. Bat. xx.  
Octob. A° M. D. CIX.

Tuus in Domino

P. BERTIVS Coll.  
Theologici Regens.



P. BERTII

In obitum R. V. D. IACOBI  
ARMINII

ORATIO.

*Mag<sup>us</sup>, Rex<sup>us</sup>, Amplif<sup>s</sup>, Nobilif<sup>s</sup>,  
Eruditif<sup>imi</sup> Auditores,*



QVAM sit difficile quamq;  
arduum, de Viris præstan-  
tibus in confessu clarorum  
viroꝝ verba facere, id  
ego cum antehac aliquo-  
ties expertus sum, tum nūc  
imprimis sentio, quum de  
Reverendo Viro Domino IACOBO ARMINIO  
S. Theologiæ Doctore post tristes eius exse-  
quias hoc loco mihi dicendū est. Nam quum  
vir bonus canon sit & mensura rerum, curan-  
dum ei qui virum talem describere voluerit,

A 3      vtca

vt ea excerptat proponatq; quibus vita humana in virtutis studio possit proficere. Produenda in theatrum latentia bona, & quæ vel modestia celauit, vel liuor attriuit, vel calumnia distorsit, vel imperitia non obseruauit, remoto si pario lucéq; admota, ostēdēda sunt palàm, verbisq; declaranda, vt quid in quoque laudādum maximè, quidque imitandum sit, omnes conspiciant. Quo fit, vt quo maior cuiusque est virtus, eò difficilius sit de ipso dicere: Maximam enim virtutem maxima comitatur inuidia: & quùm sapiens sine ratione nihil agat, difficile autem sit, principia & caussas singularum actionum semper explicare: ex his autem pēdeat iudicium dere omni; efficitur, vt de præstantibus viris, quorum vita omnis plena est diuersis rectè sentiendi agendique exemplis, difficillimum sit iudicare. Accedit huc, quod qui id facere instituerit, necesse habeat quam frequentissimè recurrere a lege ad vitam, a vita ad legem: altera enim alterius ope indiget; & vt lex monet quid faciendum sit, ita vita ostendit quid fieri possit. Habet autem in se sapiens vtrumque: planè ad exemplū Christi Domini & Seruatoris nostri

stri, qui primus dixit, Discite a me: Et Aposto- Matt x 1. 29  
1. Corinth.  
xi. 1.  
li, qui suos monet, Imitatores estote mei sicut  
ego sum Christi: Atque vt Polycletus olim  
non contentus librum scripsisse, in quo om-  
nia notauerat quæ statuam humanam adfa-  
brè sculpturo obseruanda sunt, postea ne præ-  
cipere videretur alijs, quod non ipse obserua-  
set, statuam humanam ipse fecit, eamque pu-  
blice propositam vocauit Canonem, linea- Plin lib.  
xxxiv.  
cap. 3.  
menta artis ex ea velut lege peti iubens: ita  
Vir bonus quum monuerit alios quid facien-  
dum sit, ipse quod præscripsit alijs, primus ex-  
sequitur. Est autè difficile, vel omnes sapient-  
tis actiones ad normam suam legemque pro-  
prium exigere; vel omnium legum in vno in-  
uenire exempla. Mihi verò de vita & obitu  
Reuerendi atque incomparabilis viri D. Do-  
ctoris IACOBI ARMINII hodierno die in  
hoc celeberrimo eruditissimorū hominum  
confessu dicturo, non illæ tantum, quas dixi,  
circumstant difficultates, sed & aliæ complu-  
res. Premittit me recēs adhuc amici erepti dolor:  
conturbat tristis familiæ consideratio, vxor  
afflicta, liberi nouem patre orbi; mouet Aca-  
demia luctus; percellit Reip. & Ecclesiæ tan-  
to viro

to viro destitutæ recordatio: quæ omnia, in tam recenti vulnere, nondum obducta cicatrice, disertissimo cuique & cordatissimo cōsiliū facile possint expectorare. Accedit, quod ipse etiam hoc omne choragium externi apparatus circa defunctos vehementer, dū vixit, improbavit. Sciebat enim, primum hinc ad venerationem sanctorum gradum olim factum esse: nec decere nos existimabat, quū pericula istiusmodi celebrationū videremus, ipsas celebrationes sectari. Sed quum ea sit hodie rerum facies, vt ab istā parte minimè nobis metuendum sit, (huc enim, prò dolor, deuenimus, vt de religione constituendā potius, quam de pellendā superstitione deinceps despiciendum videatur) quumque omnium intersit, virtutis exempla protracta in mediū, omnibus hominibus spectanda proponi; suscepī, ex more, amicorum rogatu, volente Senatu, prouinciam, quam nisi violata Christiana charitatē, & fracta amicitia iam inde a primā ætate cum ipso sincerè cultæ confessione, detrectare non potui. Quæ quum ita sint, spero, in isto disertissimorum hominum confesso, in quo nemo est qui non me & grauius



uius & luculentius hoc munus obire possit, fore neminem, qui officium meum culpaturus sit. Vos interea Mag<sup>s</sup>, Reuerendi, Amplissimi, Doctissimiq; Auditores rogo obtestorque, vt ijs quæ dicam fidem auctoritatemque apud vos esse patiamini:

Commisimus terræ gremio, Reuerendi viri D. IACOBI ARMINII corpus, seu templum verius Spiritus sancti, laboribus, vigilijs, certaminibus, morbis, ærumnis, quassum, attritum, fractum: commisimus inquam in certam beatæ resurrectionis sp̄e: quam ipse dum vixit credidit, & in quam cogitationes suas & consilia direxit. Patria ipsi fuit Oudevvatria, opidulum interfluente Isala (quam ego fossam Corbulonis esse suspicor) & agri circumiacentis amœnitate fertilitateque, & ciuium frugalitate atque industriâ, iam pridem nobilitatum. In hoc ille opido Solẽ primum conspexit; eo ipso quo in Gallia colloquium Possiacenum institutum fuit anno, qui fuit quingentesimus sexagesimus supra millesimum: in quo colloquio deputati nostri causam agebant bis mille centum & nonaginta Ecclesiarum, pacem, tranquillitatemque &

B fidei

fidei suæ libertatem a Rege suppliciter flagitantium. Hic igitur annus, hæc Sparta, hunc terris Laconem dedit: quæ tametsi alias quoque ediderat Ioannem de Veteri aqua, Cornelium Valerium, & eum quem hic conspicitis CL. senem D. Rudolphum Snellium, non patriæ tantum suæ, sed etiam totius Academiae, atque imprimis ordinis Senatorij decus. Patrem infans amisit. Mater vidua tribus onusta liberis parce vitam, & castè dum vixit egit.

Erat tunc in illo opido presbyter quidam, vir honestus & grauis, Theodorus Æmylij, cuius propter singularem eruditionem & sanctimoniam, benedicta est hodieque inter viuos memoria. Is quum gustū melioris puriorisque in religione doctrinæ percepisset, decreuit semel abominandum illud missæ sacrificium nolle celebrare; itaque sedes suas variè commutabat, & modò Lutetiæ, modò Louanij, modò Coloniae, modò Ultraiecti agebat. Hic ergo puerum patre orbatum simul atque ætas institutionis capax fuit, primis vtriusq; linguæ rudimentis, & veræ pietatis ac religionis principijs imbuendum curauit.

rauit. Quumque deprehenderet in eo egregie indolis specimen, sæpè illum exhortatus est, ut seposita spretaq; omni rerum terrestrium consideratione, se Deo & conscientie suæ adfereret: exiguum id esse quod hic viuatur, sequi statū post hanc vitam, qui non cōpede aut pilleo, sed beatitudinis vel mortis æternitate esset æstimandus. Infedit ipsius animum ista exhortio, confirmata postea lectione assiduā sacrarum litterarum, & pijs meditationibus. Itaque ex eo nullum non laborem, nulla non discrimina spe vitæ illius, læto atque hilari animo subiuit. Sed ipsum post aliquot annos Ultraiecti ita agentem inopinata oppressit calamitas, ob mortem boni illius & religiosi senis: quam tamē clemens & benignus Deus haud multo post leniit. Vix enim sanctus ille senex obierat, quum ex Hassia in patriam forte excurrit D. Rudolphus Snellius, qui iam pridem relicta patria tyrannidem fugiēs Hispanorum Marpurgum concesserat. Is igitur ciuem suum humana omni ope ac præsidio destitutum secū in Hassiam abduxit, Anno 1575. Vix autem illic confederat, quum mense Augusto rumor adfertur de patriæ excidio: opidum



esset: *Ψυαθής* (neque enim ante annum trigesimum Latinas litteras attigerat) rogatus ab amicis domo ipsum sua libentissimè excepit. Consilium autem erat amicorum ipsum in nouam istam Academiam ablegare: quam occasione pater non negligendam ratus, me, qui tunc in Angliā litteris operam dabam euocat. Simul ergo in hanc Scholam missi, ex eo semper animis, studijs, volūtatibus fuimus coniunctissimi. Neque verò hic ego ætatem tunc temporis actam cōmemorabo. Vnum hoc dicam: Tantum fuisse iuuentutis in litteris & sapientiæ studio contentionem, tantam in doctores reuerentiam, tantum zelum atq; impetum pietatis, vt vix maior esse potuerit. Sed vnus præ reliquis eminebat in nostro ordine Arminius: Si quid scribendum esset, si quid dicendum, querebatur Arminius: Si disceptatio oborta Palæmonem requireret, consulebatur Arminius. Memini quum Dominus Lambertus Danaeus doctor & professor noster publicè illū ab ingenij dotibus & profectu, & virtute laudaret; nosque illius exemplo ad S. Theologiam alacriter capeSSendam excitaret. Quid ego hic Poeticæ studium refe-

ram, in quo excelluit? quid Mathematica? quid reliquæ Philosophiæ? Nihil ille istorum attigit, quod non penetrauerit; nihil adgressus est, quod non feliciter absoluerit. Atque hæc quidem vsque ad annum M. D. LXXXII. quo anno Amplissimus Senatus Amsterdamentis ipsum Geneuam profectus vberioris capiendi causâ ablegauit. Quo quum venisset, audiuit Reuerendum & beatæ memoriæ senem D. Theodorum Bezam explicantē epistolam ad Romanos, cum ingenti omnium hominum admiratione. Erat enim in Beza supra cæteros mortaleis flexanima oratio, dictio expedita, sermo perspicuus, vox suavis, doctrina verò omnium eruditorum hominum iudicio excellens. Hunc igitur sibi præ alijs omnibus sequendum atque imitandum delegit. Sed quum non posset sibi statim præcipuorum quorundam virorum in ea Schola gratiam & fauorem parare, idque (dicendum enim quod res est) ob solam Philosophiam Petri Rami, quam ille publicè quidem magnâ contentione defendebat, priuatim verò etiam suos auditores docebat, coactus est Basileam concedere: ubi quantus inveni  
honor

honor delatus sit, quæ fuerint omnium ordinum de illius virtute succrescente præfagia, testari possunt ij, qui illius peregrinationis comites fuerunt. Atque hæc quidem iudicia & acclamations ita ille admisit, vt nunquam ad arrogātiā animum deflexerit, sed reapse ostenderit, nolle se ambitu eniti, sed vera virtute velle eo contendere, ad quod erat D E I benignitate destinatus.

Solent Basileæ ferijs vindemialibus doctiores studiosi publicè interdum in Academia, exercitij gratiā aliquid extra ordinem docere. Eum laborem Arminius noster haud inuitus suscepit, laudatus ob id a Reuerendo viro D. Iacobo Grynæo, qui etiam lectiones ipsius præsentia sua aliquoties cohonestauit: Idem quoq; in disputationibus publicis siquid grauius proponeretur, aut dignus vindice nodus occurreret, non est veritus, honoris causâ Arminium nostrum media in studiosorum turba sedentem citare, & (vt Grynæi candorē agnoscas) dicere, Respondeat pro me Hollandus meus. Eopse tempore Arminius tanta in gratia & fama eruditionis erat, vt ei Geneuam discessuro facultas Theologica titulum

lum Doctoris etiam publico sumptu detulerit:quem ille, vt digniorem quam qui in eam ætatem conferri posset, tunc quidem temporis actis gratijs modeste recusauit.

Genuam reuersus, offendit animos amicorum in P. Rami Philosophiam sedatiores; ipse quoque de impetu remittendum ratus, ita se comparauit, vt facile omnes intelligerent, summo ingenio pietatem coniunctam, magnum adferre ætati ornamentum. Erant eodem tempore in illa vrbe præcipuorum patriæ nostræ procerum liberi, qui nunc plerique eximijs in Rep. nostra honoribus funguntur. Horum alij quum in Italiam abiissent, alij domum essent reuocati, ipse se solum & a sodalibus reliquis vno excepto amplissimæ nunc in Bataua dignitatis viro, destitutum videns, in Italiam quoque excurrere decreuit, motus imprimis famâ Iacobi Zabarellæ, qui tunc Philosophiam Patauij ingenti hominum cōcursu profitebatur. Huius igitur causa substitit Patauij, vbi Germanos quosdam nobiles docuit Logicam. Postea verò cursim reliquam Italiam lustrauit, in eamque profectiunculam septem nō amplius, menses, impendit;



pendit; neque Romæ vnquam ab Achatil-  
lius sui latere recessit: ita enim cōuererat prius-  
quam Geneuā discederent. Vtebantur eo-  
dem hospitio, eadem mensā, eodem lectulo:  
ingrediebantur vnā, egrediebantur vnā, & ad  
pietatis exercitia. Græcum Testamentum &  
Psalterium Hebræicum secū vnā asportarant.  
Sæpè illum narrare memini; Italiam sibi & cō-  
moda multa, & damna attuissē. Inter com-  
moda illud præcipuè ponebat, quod Romæ  
vidisset mysterium iniquitatis, longè foedius  
magisque detestandū, quam vnquam animo  
concepisset: nam quæ vel narrantur de Ro-  
mana Antichristi Curiā vel legūtur, nugæ es-  
se præ ijs quæ vidisset. Inter damna, istud:  
quod in Amplissimi Senatus Amsterdamen-  
sis offensiunculam ob id factum tunc tempo-  
ris incurrisset; suffundentibus frigidā quibus-  
dā, quos omninò præstitisset iudicia in ipsius  
reditum suspendere. Hinc ergo sumpta oc-  
casione, spargebatur in vulgus, illum Pontifi-  
cis soleam deosculatum, quem non nisi in cō-  
fertā turbā, vt reliqui spectatores, vidisset; nec  
soleat bellua honorem istum nisi Regibus ac  
Principibus deferre: Iesuitis adsueuisse; quos

C

nun-

quam audiuiſſet: Bellarmino innotuiſſe, quē  
 nunquam cōſpexiſſet: Religionem orthodo-  
 xam abiuraſſe, pro quā paratus eſſet ad ſan-  
 guinis vſque profuſionem decertare. Hoc  
 interea alieno periculo diſcat pia & Chriſti  
 Eccleſiæ deuota iuuentus; præſtare, Italiam  
 nunquam attigifſe, quam tanto cum fame di-  
 ſcrimine Antichriſti myſteria cognouiſſe:  
 non quod plus habeat periculi, Italiam vide-  
 re, quam vicinam Antvverpiam, aut Bruxel-  
 lam, aut Brugas, (multò enim plus & illis locis  
 eſt libertatis, & iſtis ſuperſtitionis; tutiusque  
 illic luſtrare omnia licet, quā in Brabantia vel  
 Flādria:) ſed quod expediat aduerſarijs omnes  
 maledicendi, incautis omnes malè ſuſpican-  
 di anſas præripere: & ſcandalum potius non  
 dare, qua admiſſum excuſare.

Redux ex Italia Geneuæ conſedit, ac poſt  
 aliquot meſes reuocatus, Amſterodamum  
 ad Mæcenates ſuos & Dominos reuerſus eſt,  
 inſtructus luculento, per Chriſti gratiam, Ge-  
 neyenſium teſtimonio, & animo ad facien-  
 dum officiū optime comparato, ſi Domi-  
 no Deo placeret, ipſius vtrā opus ſuum in  
 Eccleſia ſua miniſterio: hæc enim totidē ver-

bis D. Beza in epistolâ, cuius autographum adseruo.

Amsterodami facile se apud viros graues & prudentes de itinere Italico purgauit: sed infirmi quidam fratres factum illud perpetuo insectari, & in circulis suggillare, donec ipse in Ecclesia audiri coepit, in qua simul atque conspectus est, dici non potest, quanto fauore omnium ordinum homines ad illum audiendum concurrerint. Fuit enim (vt scitis) in illo incredibilis quædam grauitas, lepore temperata, vox gracilis quidem, sed suavis, & canora, & penetrans: suada verò admirabilis. Si quid exornandum esset, faciebat ita, vt verum non excederet: si docendum, perspicuè: si differendum, distinctè. Iam cantus ille & flexus vocis ita erat rebus accommodatus, vt ex ijs fluere videretur. Quumque Rhetorico apparatu, & Græcorum myrothecijs non vteretur, vel quod naturâ ab ijs abhorreret, vel quod indignum diuinarum rerum maiestate iudicaret, cincinnos illos & ornatum adscititium adhibere, quum nuda sibi veritas ad sui defensionem sufficiat: tamen ita efficaciter vi & pondere argumentorum & senten-

tiarum grauitate, & scripturæ ipsius auctori-  
tate persuadebat, vt nemo illum vnquam au-  
diuerit, qui non se commotum esse, confessus  
sit. Itaque alij tunc ipsum limam veritatis, alij  
ingeniorum cotem, alij nouaculam succre-  
scentium errorum appellabant; nihilque in  
Religione, aut sacra Theologia sapere cre-  
debatur, cui Arminius non saperet. Ipsi quo-  
que pastores & concionatores illius vrbs,  
viri & docti & disert, adfurgentes illius eru-  
ditioni, plurimum se ex ipsius concionibus  
quotidie proficere ingenuè agnoscebant.  
Atque ita Arminius noster diductis velis, se-  
cundis ventis, pleno remigio, fauentibus om-  
nibus qui ipsum nōrant, ad famā & gloriam  
ferebatur; quum Deo visum est, seruū suū  
aduersis etiam rebus exercere, & patientiam  
ipsius modestiamque per crucem & afflictio-  
nes explorare: Quibus id principijs, quo suc-  
cessu factum sit, operæ est pretium cognosce-  
re. Circumferebatur forte quorūdam piorū  
manibus libellus a pijs quibusdam fratribus in  
Ecclesiā Delfensi scriptus aduersus D. Be-  
zam, hoc titulo, *Responsio ad argumenta que-  
dam Beza & Caluini ex tractatu de Prædesti-*

*natio*

*natione in caput IX. ad Romanos.* Eum libellum beatæ memoriæ D. Martinus Lydius qui antea pastorem egerat in Ecclesia Amsterdamenti, tunc verò Professore agebat in nouâ Frisiorum Academia, transmiserat ad D. Arminium, rogaueratque vt aduersus fratres Delfenses patrociniû susciperet D. Bezæ. Credebatur a D. Lydio perquam idoneus huic rei Arminius; cuius & ingenium sagax, & iudicium acre, & vim in docendo ac refutando mirificam partim famâ acceperat, partim ipse expertus fuerat: Neque erat omninò ab hoc instituto Arminius alienus; recēs enim ex Scholâ Geneuensi auribus circumferebat sonum lectionum & argumentorum D. Bezæ. Accingit ergo sese operi. Sed dum molitur refutationem, dum argumenta vtrunque expendit, dum confert scripturas, dum se torquet ac fatigat, vero victus, primùm sequutus est sententiam illam ipsam quam oppugnabat; postea in eam diuinâ virgulâ & Spiritus sancti ductu, delatus est, quam ad finem vsq; vitæ constanter adseruit. Decretum scilicet Dei æternum in Prædestinatione non esse, eligere præcisè & absolute ad salutē quos-

dum ab Hispano captum; militem praesidiarium occisum; caënes iugulatos, domos incensas esse. Quo rumore in tantum perculsus est, ut totos dies quatuordecim in fletu perpetuo & lacrymis consumpserit. Itaque impatiens relicta Hassia in Batauiam excurrit, certus vel patriae ruinas videre, vel mortem occumbere. Vbi venit, nihil offendit praeter rudera, ciues plerosque, matrem, sororem, fratres, consanguineos, miserè interemptos, *Et campos ubi Troia fuit.* Rediit ergo Marpurgum, itinere ex patria in Hassiam usque pedibus confecto. Interea Illustrissimi Principis Auriaci auspicijs erecta apertaue est nova hac Batauorum Academia: quod ille simul atque in Hassia intellexit, statim coepit domuitionem adornare. Rotteradamum igitur venit, quo ciues plerique Oudeyvaterani, (reliquae Danaum atque impetis Achillei) & fideles multi Amsterdamo exsules concesserant. Agebatur tunc illius Ecclesiae pastorem pater meus, Petrus Bertius, Principi verò a concionibus Gallicis & consilijs erat D. Ioannes Tassinus: utriusque mirifice placuit adolescentis indoles, alacritas, promptitudo, ingenium. Pater quum  
esset

esset: *Ψυχῶς* (neque enim ante annum trigesimum Latinas litteras attigerat) rogatus ab amicis domo ipsum sua libentissimè excepit. Consilium autem erat amicorum ipsum in nouam istam Academiam ablegare: quam occasionē pater non negligendam ratus, me, qui tunc in Angliā litteris operam dabam euocat. Simul ergo in hanc Scholam missi, ex eo semper animis, studijs, volūtatibus fuimus coniunctissimi. Neque verò hic ego ætatem tunc temporis actam cōmemorabo. Vnum hoc dicam: Tantum fuisse iuuentutis in litteris & sapientiæ studio cōtentionem, tantam in doctores reuerentiam, tantum zelum atq; impetum pietatis, vt vix maior esse potuerit. Sed vnus præ reliquis eminebat in nostro ordine Arminius; Si quid scribendum esset, si quid dicendum, querebatur Arminius: Si disceptatio oborta Palæmonem requireret, consulebatur Arminius. Memini quum Dominus Lambertus Danæus doctor & professor noster publicè illū ab ingenij dotibus & profectu, & virtute laudaret; nosque illius exemplo ad S. Theologiam alacriter capessendam excitaret. Quid ego hic Poeticæ studium refe-

B 3 ram,

ram, in quo excelluit? quid Mathematicæ?  
quid reliquæ Philosophiæ? Nihil ille istorum  
attigit, quod non penetrauerit; nihil adgressus  
est, quod non feliciter absoluerit. Atque hæc  
quidem vsque ad annum M. D. LXXXII. quo  
anno Amplissimus Senatus Amsterdamen-  
sis ipsum Geneuam profectus vberioris ca-  
piendi causâ ablegauit. Quo quum venisset,  
audiuit Reuerendum & beatæ memoriæ se-  
nem D. Theodorum Bezam explicantē epi-  
stolam ad Romanos, cum ingenti omnium  
hominum admiratione. Erat enim in Beza,  
supra cæteros mortaleis flexanima oratio, di-  
ctio expedita, sermo perspicuus, vox suavis,  
doctrina verò omnium eruditorum homi-  
num iudicio excellens. Hunc igitur sibi præ  
alijs omnibus sequendum atque imitandum  
delegit. Sed quum non posset sibi statim præ-  
cipuorum quorundam virorum in ea Scho-  
la gratiam & fauorem parare, idque (dicen-  
dum enim quod res est) ob solam Philoso-  
phiam Petri Rami, quam ille publicè quidem  
magnâ contentione defendebat, priuatim  
verò etiam suos auditores docebat, coactus  
est Basilæam concedere: ubi quantus inveni  
honor



honor delatus sit, quæ fuerint omnium ordinum de illius virtute succrescente præfagia, testari possunt ij, qui illius peregrinationis comites fuerunt. Atque hæc quidem iudicia & acclamationes ita ille admisit, vt nunquam ad arrogatiam animum deflexerit, sed reapse ostenderit, nolle se ambitu eniti, sed vera virtute velle eo contendere, ad quod erat DE I benignitate destinatus.

Solent Basileæ ferijs vindemialibus doctiores studiosi publicè interdum in Academia exercitij gratiâ aliquid extra ordinem docere. Eum laborem Arminius noster haud inuitus suscepit, laudatus ob id a Reuerendo viro D. Iacobo Grynæo, qui etiam lectiones ipsius præsentia sua aliquoties cohonestauit: Idem quoq; in disputationibus publicis siquid grauius proponeretur, aut dignus vindice nodus occurreret, non est veritus, honoris causâ Arminium nostrum media in studiosorum turba sedentem citare, & (vt Grynæi candorē agnoscas) dicere, Respondeat pro me Hollandus meus. Eopse tempore Arminius tanta in gratia & fama eruditionis erat, vt ei Geneuam discessuro facultas Theologica titulum

lum Doctoris etiam publico sumptu detulerit:quem ille, vt digniorem quam qui in eam ætatem conferri posset, tunc quidem temporis actis gratijs modeste recusauit.

Geneuam reuersus, offendit animos amicorum in P. Rami Philosophiam sedatiores; ipse quoque de impetu remittendum ratus, ita se comparauit, vt facile omnes intelligerent, summo ingenio pietatem coniunctam, magnum adferre ætati ornamentum. Erant eodem tempore in illa vrbe præcipuorum patriæ nostræ procerum liberi, qui nunc plerique eximijs in Rep. nostra honoribus funguntur. Horum aliquum in Italiam abiissent, alij domum essent reuocati, ipse se solum & a sodalibus reliquis vno excepto amplissimæ nunc in Batavia dignitatis viro, destitutum videns, in Italiam quoque excurrere decreuit, motus imprimis famâ Iacobi Zabarellæ, qui tunc Philosophiam Patauij ingenti hominum cōcursu profitebatur. Huius igitur causa substitit Patauij, vbi Germanos quosdam nobiles docuit Logicam. Postea verò cursim reliquam Italiam lustrauit, in eamque profectiunculam septem nō amplius, menses, impendit;

pendit; neque Romæ vnquam ab Achatis illius sui latere recessit: ita enim cōuererat priusquam Geneuā discederent. Vtebantur eodem hospitio, eadem mensā, eodem lectulo: ingrediebantur vnā, egrediebantur vnā, & ad pietatis exercitia. Græcum Testamentum & Psalterium Hebræicum secū vnā asportarant. Sæpè illum narrare memini; Italiam sibi & cōmoda multa, & damna attulisse. Inter cōmoda illud præcipuè ponebat, quod Romæ vidisset mysterium iniquitatis, longè foedius magisque detestandū, quam vnquam animo concepisset: nam quæ vel narrantur de Romana Antichristi Curiā vel legūtur, nugæ esse præ ijs quæ vidisset. Inter damna, istud: quod in Amplissimi Senatus Amsterdamentis offensiunculam ob id factum tunc temporis incurrisset; suffundentibus frigidā quibusdā, quos omninò præstitisset iudicia in ipsius reditum suspendere. Hinc ergo sumpta occasione, spargebatur in vulgus, illum Pontificis soleam deosculatum, quem non nisi in cōfertā turbā, vt reliqui spectatores, vidisset; nec soleat bellua honorem istum nisi Regibus ac Principibus deferre: Iesuitis adsueuisse; quos

C. nun-

quam audiuiſſet: Bellarmino innotuiſſe, quæ  
 nunquam cõſpexiſſet: Religionem orthodo-  
 xam abiuraſſe, pro quâ paratus eſſet ad ſan-  
 guinis vſque profuſionem decertare. Hoc  
 interea alieno periculo diſcat pia & Chriſti  
 Eccleſiæ deuota iuuentus; præſtare, Italiam  
 nunquam attigiſſe, quam tanto cum fame di-  
 ſcrimine Antichriſti myſteria cognouiſſe:  
 non quod plus habeat periculi, Italiam vide-  
 re, quam vicinam Antvverpiam, aut Bruxel-  
 lam, aut Brugas, (multò enim plus & illis locis  
 eſt libertatis, & iſtis ſuperſtitionis; tutiusque  
 illic luſtrare omnia licet, quâ in Brabantia vel  
 Flâdria;) ſed quod expediat aduerſarijs omnes  
 maledicendi, incautis omnes malè ſuſpican-  
 dianſas præripere: & ſcandalum potius non  
 dare, qua admiſſum excuſare.

Redux ex Italia Geneuæ conſedit, ac poſt  
 aliquot menſes reuocatus, Amſterodamum  
 ad Mæcenates ſuos & Dominos reuerſus eſt,  
 inſtructus luculento, per Chriſti gratiam, Ge-  
 neuenſium teſtimonio, & animo ad facien-  
 dum officium optime comparato, ſi Domi-  
 no Deo placeret, ipſius vtrâ opus ſuum in  
 Eccleſia ſua miniſterio: hæc enim totidē ver-

bis D. Beza in epistolâ, cuius autographum adseruo.

Amsterodami facile se apud viros graues & prudentes de itinere Italico purgauit: sed infirmi quidam fratres factum illud perpetuo infectari, & in circulis suggillare, donec ipse in Ecclesia audiri cœpit, in qua simul atque conspectus est, dici non potest, quanto fauore omnium ordinum homines ad illum audiendum concurrerint. Fuit enim (vt scitis) in illo incredibilis quadam grauitas, lepore temperata, vox gracilis quidem, sed suavis, & canora, & penetrans: suada verò admirabilis. Si quid exornandum esset, faciebat ita, vt verum non excederet: si docendum, perspicuè: si differendum, distinctè. Iam cantus ille & flexus vocis ita erat rebus accommodatus, vt ex ijs fluere videretur. Quumque Rhetorico apparatu, & Græcorum myrothecijs non vteretur, vel quod naturâ ab ijs abhorreret, vel quod indignum diuinarum rerum maiestate iudicaret, cincinnos illos & ornatum adscititium adhibere, quum nuda sibi veritas ad sui defensionem sufficiat: tamen ita efficaciter vi & pondere argumentorum & senten-

*natione in caput IX. ad Romanos.* Eum libellum beatæ memoriæ D. Martinus Lydius qui antea pastorem egerat in Ecclesia Amsterdamenti, tunc verò Professore agebat in nouâ Frisiorum Academiâ, transmiserat ad D. Arminium, rogaueratque vt aduersus fratres Delfenses patrociniû fusciperet D. Bezæ. Credebatur a D. Lydio perquam idoneus huic rei Arminius; cuius & ingenium sagax, & iudicium acre, & vim in docendo ac refutando mirificam partim famâ acceperat, partim ipse expertus fuerat: Neque erat omninò ab hoc instituto Arminius alienus; recēs enim ex Scholâ Geneuensi auribus circumferebat sonum lectionum & argumentorum D. Bezæ. Accingit ergo sese operi. Sed dum molitur refutationem, dum argumenta vtrunque expendit, dum confert scripturas, dum se torquet ac fatigat, vero victus, primùm sequutus est sententiam illam ipsam quam oppugnabat; postea in eam diuinâ virgulâ & Spiritus sancti ductu, delatus est, quam ad finem vsq; vitæ constanter adseruit. Decretum scilicet Dei æternum in Prædestinatione non esse, eligere præcisè & absolutè ad salutē quos-

dam, quos nondum decreuisset creare; quod voluit D. Beza: neque verò, posito decreto creationis & præuiso lapsu, quosdam, citra antecedentem rationem Iesu Christi; quod volebant fratres Delfenses; sed ex creatis & lapsis eos, qui vocanti Deo verà fidei obedientia respōsuri essent, quod ab eruditissimo Melanthonē, & Nicolao Hemingio, & alijs permultis Theologis adsertum est. Et licet ea iam olim Ecclesiarum nostrarum fuerit libertas, atque etiam nunc permultis locis sit, vt in hoc argumento, in quo nulla vnquam prisca Synodus quicquam definiuit, vnam ē pluribus, & doctorem deligere sine alicuius offensa semper licuerit: (nā vt alios omittā, D<sup>r</sup> Ioannes Holmanus Secundus, qui grauissimo præstantium Theologorum, atque imprimis D. D. Curatorū consilio, post sollicitatos frustra D. Pezelium, & Mollerum, aliosque euocatus, ex hoc ipso loco docuit; sententiam Hemingij, vt scimus, amplexus est, eamque acriter defendit) tamen non defuere Amsterodami, qui negotium Arminio in hac causā facerent accusarentque ipsum, quod a cōmuni receptaque in Ecclesijs nostris sententia rece-

rece-

recederet; quorum tamen repressâ est subito  
Senatus autoritate & fratrum æquanimi-  
tate: adeò, vt tranquille, & pacatè, ad-  
do etiam amicè & fraternè, semper Amste-  
rodami cum Collegis vixerit, sine vllâ simul-  
tatis, vel odij, vel inuidiæ nubeculâ. Et erat  
alioque vir iste Dei nō tantum ad candorem  
factus, sed sanctis quoque Christi præceptis,  
& spiritu, ita insuper efformatus, vt placide  
dissentientem ferret; neque facile de quoquam  
desperaret, qui modo Christum in scripturis  
loquentem audire vellet: quam illius diuinam  
moderationem & æquanimitatem omnes &  
nouimus & admirati sumus, tanto magis,  
quo nos ipsos ab istis bonis proprio conscien-  
tiæ nostræ testimonio sentimus adhuc abesse  
longius.

Quum autē obitu Clarissimorum & præ-  
stâtissimorum virorum D. Doctoris Iunij &  
D. Lucæ Trelcati senioris destituta Professo-  
ribus Academia Herculē requireret, qui susti-  
nere hunc orbem posset, (quem interea solus,  
& a Collegis destitutus fulciebat Atlas, Reue-  
rendus vir Doctor Franciscus Gomarus) vna  
omnium voce, & publico patriæ consensu  
itum



itum est ad Arminium, qui nihil minus cogitans, Ecclesiam Christi iam decimum quintum annum Amsterodami curabat. Sed quū Amsterdamenſes negarent ſe illius opera carere poſſe, quod hunc præcipuè dicerent habere ſe, quem ſucceſcentibus hæreſeon monſtris opponerent, dici nō poſteſt, quanta tunc bonorum fuerit cōſternatio. Deliberatum eſt variè: nihil non tentatum. Profeſti ſunt publico nomine ipſi Acadamię noſtræ Curatores, Nobiliſſimus Douſa, & D. Neostadius, vnācum Ampliſſimo viro Reip. noſtrę Syndico D. Nicolao Zeyſtio: miſſus eodem ab Illuſtriſſimo Príncipe D. Ioannes Vtenbogardus paſtor Eccleſiæ Hagiēſis, & ex ſupremā Curiā D. Nicolaus Cromhoutius. Hi omnes variè Prudentiſſimum eius Reip. Senatum, & Synedrium paſtorum ſeniorumque permoveatque impellere. Vix tandem multis laboribus, precibus, ipſa quoque Illuſtriſſimi Principis interceſſione obtentum eſt, vt di-miſſus operam præſtaret Academia. Obſtabant nihilo ſecius, qui optimos conatus plerumque ſolent ſubuertere, ſuſpicionum rumuſculi; quibus innocentia ſua & candoris  
& cru-

& eruditionis clypeum opposuit. Hoc fretus, Dei in reliquo benedictionem securus expectabat. Ergo re Hagæ Comitum apud D.D. Curatores audita disceptataque in præsentia grauium quorundam Theologorum, deprehensum est, *suspiciones illas male fultas fuisse, neque causam fuisse, cur de fidei Christi seruo quisquam iniquius sentiret: libertate enim prophetæ in Ecclesia concessa usum, nihil docuisse quod Religioni Christianæ esset inimicum.* Doctoris ergo gradum Deo hominibusque fauentibus consequutus est publicè in hac ipsa Academia primus, cōferente cum solenniter ex hoc ipso loco Anno M.DCIII Reuerendo viro D. Doctore Fr. Gomaro. Sic igitur Iacobus Arminius in Fr. Iunij locum iubentibus ita Curatoribus surrogatus est. Et ne quid ipsius hic fidei atque auctoritati deesset, ob ea quæ Amsterodami aliquando sparsa fuerant, placuit presbyterio Ecclesiastico illum discedentem luculentissimo testimonio exornatum, omnibus pijs, probis, & doctis viris commendare. Quod ita sonat,

D. TESTI.

# TESTIMONIVM ECCLESIAE AMSTERDAMENSIS.

**S** Ipsa æquitatis ratio, in communi hominum societate, pro lege iam diuratum voluit, ut commendatione præclarâ, veritatisque testimonio honestiore digni iudicarentur, qui vñpiam de repub. optimè meriti essent: multò magis honore isto digni sunt, qui in verbo Dei laborantes, sacro sancto Euangelij ministerio, in Ecclesiâ Domini nostri Iesû Christi pluribus annis, singulari cùm fructu, tñm laude præfuerint. Quare quam id ipsum nunc à nobis, Reuerendus in Domino Frater D. D. Iacobus Harminius petierit, huic nullo modo denegandum duximus.

Hoc itaque scripto, omnibus ac singulis testatum velimus, prænominati viri ornatissimi ac in Christo symmystæ omniũ Charissimi, cùm vitæ inculpatae, tum sanæ doctrinæ, tum denique mortuæ summam integritatem, ita nobis iam diutina consuetudine esse perspectam & exploratam, ut nihil antiquius nobis sit, quàm illius consilio, operâ, familiaritate & necessitudine semper frui, amicitiaque, quæ iam multo tempore inter nos fuit, colere. Cæterum, quandoquidem aliud Deus Opt. Max. de ipso nobisque constituisse videtur; est, de quo ipsi Domino Deo nostro maximas agamus gratias

tias, pro summâ hæcenus suâ erga nos, totamque hanc Ecclesiam nostram benivolentiâ, quâ confectum est, ut ex huius prædicti Domini, ac cooperarij in vineâ Christi omnium dilectissimi studio & labore, inter nostros hic indefesse nobiscû & alacriter exantlato, fructus & videre & iucundissime percipere potuerimus non pœnitendos. Dilectissimo autem huic, in Domino Fratri, pro coniunctis suis, in Domino viribus, pro alacritate in æquis paribûsque nobiscum functionis suæ partibus sedulo tuendis, pro promptissimo ubiuis nobis communicato consilio, nihil non sanè debere, omnes, animo lubentissimo confitemur. Quare, ut breviter verbo vno omnia dicamus, (quandoquidem ipsius & pietas & summa probitas, nec non eruditio singularis, suo id sibi iure quodammodò, vindicare videtur) ita Amplissimum hunc Dominum, ac Fratrem in Christo maximè venerandum, omnibus pijs, probis, doctissimisq; viris commendamus, ut maiori studio, magisue ex animo commendare non possimus. Datum in Synedrio nostro Amstelrodami 8<sup>a</sup> Septembris 1603.

Omnium nomine

Verbi Administer, diuini, Ioannes Vrsinus Præfex Synedrij.

Ioannes Hallius Ecclesiastes Amstelrodamensis.

Ioannes Halibergius ciuitem Ecclesia Pastor.

Sed & Classis vniuersa *consensu* ipsi dedit  
in hanc formam.

## TESTIMONIVM CLASSIS AMSTERDAMENSIS.

**V**niuersis & singulis præsens hoc nostrum  
testimonium, lectoris vel auditoris, salus &  
Pax per unicum Mediatorem Christum:

Quoniam Ornatissimus Doctissimusque vir D. Jacobus Arminius ab Illustribus & doctrinâ clarissimis  
Dominis Curatoribus Academiae quæ est Lugduni  
Bataurum à Ministerio sancto (quo multis iam  
annis summa cum laude in Ecclesiâ Amsterodamensi  
functus est) ad publicam professionem sacrosanctæ Theologiae  
vocatus & publicè inauguratus est: nos discedentem  
præsenti hoc nostro scripto, licet exiguo, iisdem,  
& omnibus probis commendare, nostroque testimonio,  
(ut moris est) cohonestare volumus. Testamur itaque  
nos serui Iesu Christi, unâ cum Senioribus eiusdem  
Classis Amsterodamensis, prædictum D. Doctorem  
Arminium iam ante annos quindecim fuisse mem-  
brum nostræ classis, quo tempore sanam doctrinam pu-  
rè, magna cum fructu, docuit, Sacramenta iuxta insti-  
tutionem Domini administravit, & veram Christianamque

namque Religionem magnam cum zelo propagauit, suaque diligenti presentia Classicalem coetum semper ornavit, suo quoque prudenti consilio, res arduas magnique momenti cum alijs composuit, onera omnia imposita ad aedificationem Ecclesiarum spectantia, promptè semper sustinuit, sanctamque suam vocationem honestate & probitate vitae in hunc usque diem ornavit. Breuiter, scilicet talem cum in munere sancto, tum in vitae consuetudine erga omnes, qualem verum Christi seruum, decet, praestitit: ut pro sua erga nos beneuolentia & humanitate quam quemque nostrum complexus est, maximas & immortales ipsi agamus gratias. Rogamus itaque Vniuersos, & singulos, cuiuscunque sint Ordinis, ut praenominatum D. D. Iacobum Arminium, talem quem diximus, habeant, agnoscant, complectantur, foueantque. Eum quoque tali honore quo dignus est (propter eximia eius ingenij, & singularia in illo luculentia dona) aspeciant, ac prò virili sanctos eius conatus adiuuent, ad Dei nominis gloriam, nec non Scholae & Ecclesiae aedificationem. In quem finem nos eius Collegae & consueri multiformè Spiritus sancti gratiam illi ex animo omnes comprecamur. Amsterodami, è Classicali nostro conuentu, Calendis Septembris, 1603.

Ioannes Halsbergins, Praefes Classis.

Ioannes Hallius, Ecclesiastes Amsterodamensis Scriba Classis,  
eiusdemque nomine.

Satisne honestè ac laudabiliter de Arminio fratres testati sunt? Sic ergo ille in Academiā venit. Ex eo tempore Collegæ omnes amicum coniunctissimum, Scholæ Senatorem, Professore, Rectorem, studiosi omnes patrem humanissimum experti sunt.

Vix pedem intulerat in Academiam, quū statim apprehendit S. Theologiæ consecrationes quaestionum dumetis sese implicare, & neglectis scripturis spinosa quædam Theoremata & Problemata sectari. Hoc ille malum, re cum Collegis communicata emendare studuit; & fecit magnā ex parte: reuocauit enim priscum illud, & masculū, & torosum studendi genus, iuuenesque palabundos ad fontes salutis, puros illos atq; illimes fontes, retraxit. quantum potuit, vt ex ijs religio quæreretur: non illa quæ altercationibus aut nuda speculatione contenta ad animos pascendos comparata est; sed quæ charitatem spirat, quæ veritatem eam sectatur quæ est secundū pietatem: quā discunt adolefcentes iuueniles cupiditates fugere, domitisque carnis illecebris vitare mundi inquinamenta, eaque facere & pati quæ Christianum a Gentili discernunt.

illud

Illud identidem inculcans Seruatoris nostri,  
*Nisi abundauerit iustitia uestra plus quam  
Scribarum & Phariseorum, nequaquam in-  
grediemini in regnum caelorum.*

Afficiebat ipsum interea Christianitatis tā  
miserè diuulsæ & distractæ consideratio, de  
quā rarò sine lacrymis, nunquam sine altis ge-  
mitibus loquebatur. Ostendebat, optare se, vt  
disiecta Ecclesiæ membra in vnum aliquan-  
do corpus ex præcepto Domini coalescerent.  
Iudicabat, id quod res est, Curiam Papalem  
non quærere ea quæ sunt Christi, sed volupta-  
tes, honores, lucrū, pompam huius seculi, &  
tyrannidem in animas pariter & in corpora.  
Proinde de rebus salutis & communi pace  
constituendā non posse aut debere quēquam  
cum illa meretricula inire consilia. In alijs ma-  
gna parte esse studium conscientiæ & pieta-  
tis: ac non tam intentione aut proposito pec-  
cari, quam dubijs ambagibus; in quibus mul-  
tos ignorantia, multos maiorum autoritas;  
multos dogmatū vel a se positorum vel diu  
defensorum pertinacia; multos scripta reuo-  
candi vel retractandi pudor, multos denique  
iniquum de fratribus iudicium a concordia  
arce-



arcerent: Quibus omnibus medicinam putabat ad ferri posse, non a gladio, cruce, laqueo, viui comburio; sed a precibus & placida atque amicâ institutione, & sanctæ conuersationis exemplo. Itaque cum omnes ad pietatem hortabatur, tum illud imprimis curabat, vt resectis spinosis quæstionibus & ingenti inanum adsertionum pondere quibus Scholæ perstrepunt, ea, duntaxat ex scripturis peterentur, quæ ad fidei necessitatem facerent, & ad vitam benè beateque in Christo transigendam. Quem ipsius conatum elusurus Satan, incautis persuadere studuit, fieri hæc ab ipso ad gloriam aucupandam, ad ostētam ingenij vim, ad res innouādas, ad ferram contentionum & altercationum reciprocandam. Mouit igitur veterem Camarinam iterum malesuada suspicio; sed eam Professores ipsi & Collegæ prudenti Curatorum consilio in ipsa herba oppressere: cuius in rei fidem hoc instrumentum proferendum putauimus.

## EX GESTIS ACADEMICIS.

*Professores facultatis Theologicæ, quum ipsis relatum esset, Classē Dordracenam grauamen hac formā*

*inâ conceptum inter cætera posuisse,*

*Quum in Ecclesia & Academiâ Leidensi, rumor sit, controuersias quasdam circa doctrinam reformatarum Ecclesiarum obortas esse, censuit C. A. S. I., necessarium esse, ut de ijs conuersis: quam in-  
telligit: et casibusque componendi. Synodus deliberet, ut schismata omnia, & offendicula quæ inde oriri possunt, tempestivè amoueantur, conferanturque unio Ecclesiarum reformatarum contra aduersarios in cæcurniam,*

*D. D. Curatoribus & Consulibus sciscitantibus, num quæ ipsis controuersiæ istiusmodi essent perspectæ: re inter se primùm examinata seorsim perpensâque unanimiter responderūt: Optasse se, a Classe Dordracenae melius ordinatisque in hac re actum esse: Inter studiosos quidem opinari se plura disputari, quam ipsis gratum sit; inter se verò, hoc est inter facultatis Theologicæ professores, nullum discrimen, quod quidem constet, esse in fundamentis doctrinæ. Daturos quoque operam, ut quæ inter studiosos disputationes istiusmodi obortæ sunt, minuantur. Actum x. Aug. A° 1605. Subscribere,*

*Jacobus Arminius pro tempore Rector Academiæ.*

*Franciscus Gomarus.*

*Lucas Irelatius.*

*Eius die quum idem quoque propositum esset D. Johanni Kuchlino Regenti Collegij Theologici, respondit, se ijs quæ a D. D. professoribus dicta erant, suffragari. Subscripsit Ioannes Kuchlinns Regeus.*

*Atque hæc quidem tunc ita acta. Postea cognitionem eorum quæ ferebantur, Hagæ Co-*

*E mitis*

mitis susceperere Illustrium Ordinum voluntate Senatores Curiae Augustae: qui quid de re omnifense int, referrem, nisi id omnes quotquot adsunt, scire arbitrarer. Sed dum sic luctatur, collecto tandem ex laboribus, pertinaci sessione, assiduis studijs, & certaminibus sine vlla missione intercurrentibus, mortuo, athleta Christi lectulo tandem defixus est: Quid autem mirum si commotus fuerit famæ suæ, salutis, & laborum dispendio; quum neque viro bono quicquam famâ suâ sit antiquius, neque Christiano salute, neq; S. Theologiae doctore petitis ex scriptura demonstrationibus? *Oppressio*, inquit Siracides, *insanire facit sapientem*. eadem huic dolorem, ex dolore morbum cõcilauit, ex morbo mortem. Otetrum, & vipereum, exque imo tartaro excitatum malum! Quoties illum ex Prophetâ priuatim etiam cum gemitu exclamantem audiuiamus? *Vae mihi mater mea, quare genuisti me, Virum discordiæ in vniuersa terra? nec fœneravi, nec fœnerauit mihi quisquam: & tamen omnes maledicunt mihi*. Reuocauit tamen seipse ad rationis & tranquillitatis septa, animo nunquam non excelsio, nunquam non in fratres suos æquo  
& co-

& comi: quorum caussa paratus erat quassibet  
maleuolorum contumelias deuorare & con-  
coquere, stomacho non Catonis, sed spiritus  
Christi. Erupit autem latēs visceribus malum  
præcipuè vñ Februarij huius anni: quod qui-  
dem tunc ita se prodidit, vt medici statim len-  
tâ & cautâ curatione opus esse iudicarent. Et si  
verò initio æger vix corpus traheret: tamen  
per interualla, quum liceret, lectionum &  
vocationis suæ labores non intermisit; neque  
caussæ suæ, vbi opus fuit, defuit. Itaque Ha-  
gam iterum iterumque euocatus excurrit, &  
præclaram fidei suæ professionem edidit co-  
ram multis testibus: & post vltimâ illam ami-  
cam collationem hoc vno secundum Deum  
& conscientia suę testimonium se solatus est,  
quod in panegyri totius Hollandiæ esset a Do-  
minis suis Clementissimis patienter auditus:  
quorum ille prudentiæ tantum tribuebat, vt,  
siquid sibi humanitus eueniret; non defutu-  
ros speraret, qui causæ æquitatem quam se-  
mel cognouissent, essent sapientiæ suæ & fa-  
uoris patricinio defensuri. Hagâ domum de-  
latus, vix se composuerat ad Dominorū suo-  
rum mandata exsequenda, consignandaque

accuratè quæ a se fuerant in amicâ collatione proposita; quum iterum illum vis morbi adorta est, tanto vehementius, quanto plus incrementi ex morâ & virium imbecillitate contraxerat. Itaque morbo pressus, litteris ad Illust. Ordines scriptis, sese modestè excusauit, quod ipsorum volûtati dicto die parere non posset. *Selectulo ægrum detineri: consignasse jam magnâ partē, quam nunc Deo ita volente cogatur abrumper.* *Alias se auditum, remque omnē tunc scripto fuisse exhibitam, Posse illud necessitati satisfacere.* Si tamen ea ipsa quæ consignârat omninò cuperent, curdum, ut se vel restituto per Christi gratiam integra omnia & perfectâ haberent, vel defuncto, abrupta. Quam verò confessionem edidisset, tantum abesse, ut de eâ quicquam dubitaret, ut contra constanter iudicet, eam per omnia sacris litteris conuenire. Proinde se in ea perstare: paratum cum hac ipsâ fide coram tribunali Iesu Christi Filij DEI iudicis viuorum & mortuorum vel eo ipso momento comparere. Interea inualescebat indies morbi vis, obnitentibus quidem quantum per artem atque industriam fieri potuit, naturæque vires prolectantibus Clarissimis & exercitatissimis medicis, D. Doctore Pauio, D. Sebastiano Egberti, D. Henrico Saelio

D. Rci-

D. Reinero Bontio: sed frustra; quum indomita mali pertinacia ipsi quoque arti faceret opprobriū: Altius enim defixa quam vt euelli posset, noua indies excitabat symptomata: febres, tussim, hypochondriorum extensionem, exspirandi difficultatem, oppressionem a cibo, laboriosos somnos, atrophiam, arthritidem; nullamque agro pausam vel requiem concedebat: accessere postea dolores in intestinis, ilio, & colo, cum obstructione nerui optici sinistri, & ejusdem oculi obfuscatione: nihilo interea minus deficiente calumnia, aut de consueta atrocitate remittente; cuius hoc loco immane, stupendum, tetrū, atque horribile, & ad posterorum memoriam transmittendum commemorabo exemplum. Quum de alterius oculi obfuscatione innotuisset; fuere, qui hoc inter poenas quas Deus hostibus suis, & impijs contemtoribus sui nominis comminatur, referre auderent: adfirmarentque, hunc præ alijs insignitè improbum vel ex supplicio isto. Et ne schema huic tam fœdo atque immani facinori deesset, consulti sunt libri sacri, quos nunquam Christiano nisi cum veneratione & precibus adire licuit.

Inuentus est apud Zachariam Prophetam locus de oculorum & totius corporis tabe, ita sonans.

xl. 11. 12.

*Hæc erit plaga qua percutiet Dominus omnes gentes, quæ pugnaverint aduersus Ierusalem. Tabescet caro vniuscuiusque stantis super pedes suos, & oculi eius contabescant in foraminibus suis, & lingua eorum contabescet in ore suo.*

Et aliter.

xl. 17.

*Opastor idoli, derelinquens gregem, gladius super brachium eius, & super oculum dexterum eius: brachium eius ariditate siccabitur, & oculus dexter eius tenebrescens obscurabitur.*

Is locus in sanctum Christi seruum, corpore quidem afflictum, sed animo nunquam non felicem, nunc verò etiam felicissimum contortus est. Horresco tam enormis, & detestandi, & impij facti memoria. Quis tu es o homo, qui fratrem tuum condemnas propter quem Christus sanguinem suum profudit? quid seruum Dei petitis quasi ex ipso cælo oraculis insectaris, quem preclare de Ecclesia vniuersa meritum non ingrata posteritas agnosceret? quid iudicium tibi vsurpas in fratrem, quem amari præcepit Dominus? Audi ipsum.

*Non*

*Non peccauit iste, neque parentes eius, sed hæc* Ioan. 17. 31.  
*fiunt ut manifestentur opera Dei.*

Audi iterum eundem.

*Nolite iudicare, ne iudicemini.*

Mat. vii. 1.

Audi Apostolum.

*Mibi pro minimo est quod iudicor a vobis, aut* 1. Cor. 17. 8  
*a humano iudicio. Qui iudicat me, Dominus est.*  
*Itaque nolite ante tempus iudicare, quoadusque*  
*veniat Dominus, qui & illuminabit abscondita*  
*tenebrarum, & manifestabit consilia cordium,*  
*& tunc erit laus unicuique a Deo.*

Adeone tu securus es euentus tui, vt con-  
 flet te non vel acerbior dolore cruciandum?  
 Et tamen non dexter oculus laborauit, sed læ-  
 uus, neq; excoecatio fuit, sed obfuscatio dun-  
 taxat, neq; exsiccatus est brachiū, sed intumuit.  
 Lingua verò ad extremum vsque articulum  
 vitæ officio suo expeditè functa est. Ita mise-  
 ris hierophantis supera, infera, dextera, læua,  
 diuina, humana, pariter quum volunt ancil-  
 lantur. Fuere etiam qui de nomine ludentes  
 VANI ORBIS AMICVM, comminiscerentur:  
 quasi non idem aliquando impietas in sancto  
 Christi nomine ausa fuerit? Abite scarabæi,  
 sæculi incommoda. Quid non tentabitis in  
 seruo,



feruo, qui ipsi Deo & Domino vitæ non percipistis? Sed redeo ad id vnde digressus fueram. Hisce omnibus malis fatigatus, constantem tamen animum & placidam mentem semper seruauit. Itaq; de festiuitate illa & lepore, & consueta hilaritate frontis, & pectoris candore nunquam quicquam remisit, accedentibus ad Deum pro se & pro Ecclesiæ concordia precibus ardentissimis. Quam crebræ fuerunt, quam ferventes illius ad I. Christum in morbo eiaculationes? quæ gaudia sibi pollicebatur? qua fidei perseuerantia extremum illum sibi in terris diem expectabat? Si fratres se ad preces componerent, ipseque dolore impediretur, iubebat subinde expectare, donec ad se rediisset, vt vnà posset hoc fraternitatis officio defungi. Precum formulæ à pluribus paucae istæ notatæ sunt. *Magne Pastor ouium, qui per sanguinem æterni fœderis reductus es ex mortuis, Domine & Seruator Iesu, adesto mihi oui infirmæ atque afflictæ.*

*Domine Iesu, fidelis & misericors Pontifex, qui in omnibus similiter tentari voluisti absque peccato, vt ipsa experientiâ eductus quam graue sit Deo per passionem obedire, posses nostrarum infirmitatum sensu affici,*  
*miserere*

*miserrere mei; succurre mihi seruo tuo, decumbenti, & tot malis presso. Deus salutis meæ, redde animam meam idoneam regno tuo cælesti, corpus verò resurrectioni.*

Quum autem inualefcente vi mali a medicis esset admonitus, vt ob incertos vitæ exitus disponeret domui suæ, & si quid vltima voluntate mandatum vellet, curaret; tantâ æquanimi- tate se ad mortem composuit, vt amici adstantes qui in omni vita mores ipsius obseruauerant, tantam tamque heroicam in extremo actu moderationem fuerint admirati, petierintque ab eo vltimum beatè moriendi exemplum, a quo iam pridem multa didicerant rectè viuendi. Quum igitur sentiret tempus imminere resolutionis suæ, neque ignoraret Diaboli insidias, nihil prius habuit, quàm vt in condendo testamento breuem ipsius consiliorum suorum viteque rationem dictaret; Eam, quia fidelis doctoris officium continet, in exemplum inque testimonium recitabo.

## EX TESTAMENTO.

*Ante omnia commendo animam meam quando ea ex corpore suo emigrabit; in manus Dei creatoris sui*

F

*& fidei*

*Et fidelis Saluatoris, corā quo testor me bona conscientia in munere meo Et vocatione simpliciter Et sincerè ambulasse: sollicitè admodum Et curiosè hoc cauens, ne quid proponerem aut docerem, quod non adhibita ante diligenti ex scripturis sacris disquisitione comperissem, cum ijsdem scripturis ad amussim conuenire, quæque ad propagationem amplificationemque veritatis, Religionis Christianæ, veri Dei cultus, communis pietatis, Et sanctæ inter homines conversationis, denique ad conuenientem Christiano nomini tranquillitatem Et pacē iuxta verbum Dei possent conferre, excludens ex ijs Papatum, cum quo nulla vnitas fidei, nullum pietatis aut Christianæ pacis vinculum seruari potest.*

His igitur ita peractis, dies aliquot in inuocatione Christi, & gratiarum actione, & meditatione vitæ melioris transmissi sunt: quibus D. Ioannes Vtenbogardus, & D. Hadrianus Borrius ipsum præ alijs frequenter inuaserunt: vterq; veteris amicitia & variorum discriminum societate ipsi coniunctissimi: hic verò etiam in quotidiano precum apud agrū officio præstando assiduus. Tandem verò XIX. Octobris, circa meridiē, fidelis iste Dei feruus, defunctus strenuè omnibus militiae stipendijs, consummato cursu, decertato bono

bono illo certamine, seruata fide, animā suam  
 iam pertasam curarum, iam saturam ærum-  
 narum huius mundi, iam liberationem ex-  
 optantem, iam sanctorum gaudia prægustan-  
 tem, iam Christum Deum suum ac redempto-  
 rem cernentem, oculis in cælum sublati, placi-  
 de, inter sanctas corū qui aderant, preces, Deo  
 Patri creatori suo, Filio redemptori suo, Spiritu  
 Sancto sanctificatori suo reddidit, acclaman-  
 tibus omnibus, *Moriatur anima mea morte ius-  
 torum.*

Ita occidit nobis etiam iste Sol: ita mortuus  
 est iustus, quo mundus iste dignus non fuit:  
 ita sublatuſ est Pater tot Prophetarum: ita cur-  
 ru Israelis & equitibus eius in altum a nobis  
 subuectus est IACOBVS ARMINIVS, & nunc  
 immunis, liber, atque expeditus ærumnis, ha-  
 bet coronam tot laboribus, tanta perseueran-  
 tiā fidei, tanta sanctimoniā expetitā frui-  
 turque cælesti Ierusalem, inter frequentiam  
 multorū millium angelorum, & Ecclesiam  
 primigenitorum qui conscripti sunt in cælis:  
 videtque iudicem omnium, & spiritus iusto-  
 rum perfectorum, & Testamenti noui me-  
 diatorem Iesum, & sanguinem adspersionis

melius loquentem quam Abel: expectat verò diem illum, quo Deus mortuum illud & a nobis depositū corpus conforme redditurus sit glorioso corpori Filij sui, secundum potentiam quā sibi potest subijcere omnia.

Nos verò, quantisper visum erit Deo, fluctibus istis iactabimur, donec ille misertus etiam aliquando nostri, suo quemq; ordine ex hoc coeno in celestia gaudia euocabit: benedictā intereā in Ecclesia sanctorum seruantes memoriam D. Iacobi Arminij, cum hoc elogio, **EVISSE IN BATAVIA VIRVM, QVEM QVI NORANT NON POTVERVNT SATIS ÆSTIMARE: QVI NON ÆSTIMAVNT, NVNQVAM SATIS COGNOVERVNT.** Quod reliquum est, Mag<sup>ci</sup>, Reu<sup>di</sup>, Amplifs<sup>i</sup>, Nobilifs<sup>i</sup>, Eruditissimi auditores, ad amabilem Ecclesiæ concordiam contra scandala, & suspensiones huius seculi vos exhortaturus, non vtar alijs quam Apostoli Ioannis verbis,

1. Ioan. 19.  
7.

*Dilecti, diligamus nos inuicem, quia charitas ex Deo est. Et omnis qui diligit fratrem suum, ex Deo natus est, & cognouit Deum. Qui nō diligit, non nouit Deum; quoniam Deus charitas est.*

**DIXI.**

IANI DOVSAE  
NODOVICIS

Ad amplissimum virum,  
D. NICOLAVM CROMHOVTIVM,  
*Provincialis Curiae Senatorem,*  
*Collegam unice observandum:*  
Academiae nomine ευχαριστιον.

CROMHOVTI, ô Batavi pars haud postrema Se-  
natus,  
Cromhonti, ô Patria gloriara tua:  
Quod Fori, & assiduo Rerum limatus in usu,  
Sordida non ullâ pectora labe geras;  
Multum equidem (quid enim maius dare Numina  
possint?)  
Virtuti debent secula nostratua:  
Plus tamen, ARMINIVM quod te duce & auspice  
primum  
Hollandæ urbs dederit Amsterodama Scholæ.  
Scripsit A° cld Ioc III.

*In Mortem Reverendi, Eruditissimique viri*  
*D. IACOBI ARMINII in Academia*  
*Lugdunensi Divina sapientia Professoris*  
*Hugonis Grotij SCAZONÆ*

**S**crutator almæ veritatis Armini,  
 Sublime pectus, animâ fœta doctrinâ,  
 Solertiæque perspicacis exemplum,  
 Tu nunc ademptus sæculo tenebroso  
 Et semicæcæ palpitantium turbæ  
 Claros beatæ lucis incolis campos:  
 Et si nuper magna pars stetit veri  
 Tuis sub armis, tot premente cervices  
 Cultus profani servitute discussâ:  
 Seu parte in aliquâ, more gentis humanæ,  
 Et nescientis multa sorte naturæ  
 Te cepit error (judicent, quibus sacri  
 Iuris potestas, visque tanta noscendi)  
 Certè superni codicis frequens lector,  
 In verba certè non adactus humana  
 Labi timentis, nec rebellis in sese,  
 Fers teste cælo conscientiæ laudem.  
 Ibi satur quiete, gaudij plenus,  
 Quærita quondam discis, & vides, quanta  
 Involvat homines inscientiæ nubes:  
 Quàm nil sit illud, quod vocamus hic scire,  
 Quo nos superbi tollimus caput cælo,  
 Calcamus alios, invicemque calcamur.  
 Hinc tanta bella faviunt Magistrorum,  
 Hinc odia plebis: interim fugit longè,  
 Nec se videndam dimicantibus præbet,

Amica

Amica sanctæ sancta veritas Pacis.  
 Vnde ista rabies, & libido pugnandi  
 Infedit animos? cur placet Deus belli  
 Materia? quò tot studia, tot novæ partes?  
 An hostis atrâ nocte pestilens Christi  
 Inparsit agro semen? an furor pugna  
 Mortalitatibus, ingenique corrupti  
 Alimenta quævis fumit, & Dei causæ  
 Permiscet hominem? curiosus an mundus  
 Dum nil latere patitur, & sequi gaudet  
 Sciri negata, jure sentit hanc pœnam?  
 Vt illa quondam, dum viam parat cœlo,  
 Structrix superbæ molis insolens turba  
 In mille linguas abiit, atque aberranti  
 Sermone priscum vocis exiit fœdus.  
 Heu quid paramus? lectus oritur de toto  
 Grex ille parvus lancina: nur heu fædè  
 Iterumque & iterum, scindimurque discordes,  
 Ridente Mauro, nec dolente Iudæo.  
 Felix remoti factionibus vulgi  
 Religio simplex, arte non laboratâ:  
 Quæ morte Christi certa diluit culpas;  
 Hic spem, fidemque ponit, & dari credit  
 Gratiâ salutem, promerentibus pœnam.  
 Sanctique Amoris lere munus exercens  
 Non curat altum sapere, nec nimis quærît,  
 An lege certâ veniat omne venturum.  
 Exfors malorum quomodò malum nolit,  
 Velitque Rector: summa quatenus causa  
 Potente nutu velle temperet nostrum.  
 Felix & ille, quisquis ambitu liber,



Nec vana captans lucra, nec leves plausus,  
 Cœlestiores excitatus ad curas  
 In alstra tendit, & Deum studet nosse,  
 Quà seipse pandit, ambulatque suspensis  
 Periculosas gressibus per ambages;  
 Non mentientis fila persequens libri:  
 Cui charitate temperata libertas  
 Certat manere dissidentibus concors:  
 Pixque purus æquiratis affectus  
 Damnatus alijs, ipse neminem damnat:  
 Modestixque limites premens, donat  
 Nunc verba vero, nunc silentium paci.  
 Hæc sæpe populo teste, sæpe privatim,  
 Hæc ipsa fato jam propinquus, Armini,  
 Adhuc monebas, cùm laboribus vitæ  
 Longis fatiscens, sæculique pertesus  
 Fastidiosi, partinacis, ingrati,  
 Indigniore parte fractus, & languens,  
 Meliore sospes, illa millibus multis  
 Monstrata per te regna solus arderes.  
 Et nunc paterno sidus additum templo  
 Deum precaris, det gregi suo lucem  
 Hic quanta satis est, hac det esse contentum:  
 Det non loquentes sua reperta Doctores:  
 Det consonantes semper omnium linguas,  
 Aut corda saltem: præpotente vi flammæ  
 Caliginosas litium fuget sordes:  
 Ut spiret unum tota civitas Christi,  
 Vitamque terris approbet, fidem cœlo.

In Morbum ejusdem.

EPIGRAMMA.

**P**ertulerant cunctos Armini membra dolores,  
Stabat & in medijs mens animosamalis:  
Vitalues oculi lævum se torfit in orbem,  
Mæstaque non totus venit in ora dies;  
Immites tenebræ, nihil hâc in parte nocetis,  
Quo se, quoque Deum conspicit, intus habet.

EPITAPHIVM EIDEM.

**Q**uod fuit Armini morbis exsanguie malisque,  
Hic jacet, & vitæ jura secunda manet.  
Quod sublime viro, quod vi, quod robore plenum,  
Morte carens, cæli regna superba tenet,  
Si malè pars habuit sese neglectior illi,  
Quam coluit tantò sanior illa fuit.

ALTERVM.

**S**ubtilis ille sensuum, potens faudi,  
Sed cura semper prima cui morum fuit,  
Appellat omnes hic jacens Arminius,  
Vitæ probatus, disputator optimus,  
Ne disputare mavelint, quàm vivere.

IVSTI SVVANEVVRGI IC<sup>i</sup>

Elegia

*In obitum viri Reverendi viri*  
D. IACOBI ARMINI

*Ecclesia loquitur.*

**D**iltrahor, & lacerata datur (sic turbidus instat  
Orbis) vix modicum membra recolligere.  
Nec spondent, dolor heu, meliora hæc tēpora, namq;  
In partes rapiunt schismata quemque suas.  
Arminius plagas humeris, solatia dand,  
Sustulit, ipse oneri succubuitque meo.  
Succubuit, dum doctorum sub imagine in vnum  
Omnia proli demens spicula mundus agit,  
O pia mens quæ tam sacro lassata recumbit  
Pondere, læteris: munde quid est quod habes?  
Scilicet ut possit tibi jam securius in me  
Imperium esse, geras cunctaque pro libitu?  
Me raptam sede ex humili sublime locare  
In solium, cupiens subdere regna iugo?  
Sic specie falsi miseris illuditur; cheui  
Sat Iussum tali schemate Christicolis.  
Horret adhuc animus ludibria sacra meorum  
Servorum, dominis qui graviora iubent:  
Et populum, dum præses abest, ita fusile circum  
Permittunt choreas concelebrare pectus.

Armi-

Arminius fastus, o quam dulcedine mira,  
Hos solitus dextro numine deprimere?  
Dum populum spectare jubet mandata ferentem  
Sacra ducem, falso numine posthabito.  
Ille humilem doctâ atque humili me voce fovebat,  
Atque potestati subdita membra dedit;  
Noluit in dominos insurgere, sed sibi donis  
Exultare datis fœdere perpetuo.  
At iam lingua silet, gremio & composita quiescunt  
Ossa meo; ad superos spiritus emicuit.  
Quis miseram posthac solabitur, & mea membra  
Vnanimi pascet schismate sparsa fide?  
Pastores fidi, precor huic incumbite curæ,  
Et facite Arminij ut molliter ossa cubent.

IN OBITVM

Reuerendi atque incomparabilis viri  
D. IACOBI ARMINII VETERA QVINATIS  
Bataui, SS. in Academia Lugduni-Batavâ  
Theologiæ Doctoris atque Pro-  
fessoris ordinarij.

**D***Vm patrio è terris moriens reuocatur Olympo  
Arminius cali nobile depositum;  
Dirigit Pietas ad cari antistitis umbram,  
Virtutum mæsto collachrymante choro.  
Luctifero nixum mutauit Candor amictum,  
Et iam de exilio cogitat ipse suo.*  
G 2 Dr.

<sup>52</sup>  
 Debuerat Tellus; fleuit miserabilis Æther,  
 Opprobrio damnans impia sæcla graui.  
 Num minus erubuit Liuor? num perfidus orbis  
 Abstenuit placitum Dis onerare caput?  
 Gaude fidereis anima ò adscita manipulis!  
 Haud alio poterat tutior esse loco.  
 Illic luce Dei & presenti Numine plena,  
 Quæ tibi sunt quondam, præmeditata, vides.  
 Nos tua sanctiloqua torrentia flumina lingua,  
 Mixtaque cum solida sobria sensa fide,  
 Constanti æternum mirabimur impete mentis.  
 Non erit officys gens grauis vlla pps.  
 Nos abs te mortis Vitaque exempla petemus.  
 Nec læsisse bonos, nec timuisse malos.

Iacobus Lettingius.

## THRENS

In obitum Reuerendi, eruditione & pietate incom-  
 parabilis Viri D. Iacobi Arminij S.S.

Theologiae Doctoris in alma Academia  
 LEIDENSI dum viveret.

Ergone magnus ille Belgæ, & inclytus  
 Cunctator ille Christianus occidit?  
 Vir ille pacis, Veritatis & tuo  
 O Christe leni spiritu Doctor potens?  
 Tuusne LEIDA, Sol, sacris lucens tuis

Lumen

Lumen decusque pulpitis ARMINIVS:  
 Heu triste funus! casus ciulabilis!  
 Tibique LEIDA flebilis! sed, heu! nimis  
 Angusta quam quæ luctuoso funeri  
 Par esse possis. Orbis in fletus eat  
 Populusque cunctus Christianus ah gemat,  
 Quicumque Christum quærit & pacem Dei.

Lugete mecum vos fidelia pectora,  
 Paxque mentes quotquot vno spiritu  
 Vnoque corde, iugibus suspirijs  
 Doletis hancce cordium discordiam,  
 Hoc triste Christi corporis diuortium,  
 Vñusque cuius ora iam patentia  
 Laxoque hiatu separata mutuis  
 Diuelli vbi que cernitis discordijs,  
 Magis magisque quemlibet partes sequi,  
 Medicamque nusquam porrigi lacero manum.  
 Dum quisque summus esse vult & optimus.  
 Nec altio rem nec parem quemquam ferens.  
 Sed deferendam quisque gloriam sibi  
 Fascisque, ius & vniuersum flagitat.  
 Dum quisque Papæ postulat gradum sibi  
 Et numen esse dum recusat, Numen est.  
 Vos qui videtis hæc & ingemiscitis:  
 Precibusque tantum poscitis remedium,  
 Iuuat luctum, mortuus vobis facit  
 Vir iste cuius vniuersus spiritus.

34  
Hoc vnum agebat, parque tantis ausibus  
Tentabat istam regiam solus viam.

Hic, cum videret istum vbique gentium  
Errori amicum subijci tibi cinem,  
Fulcrumque quo mendacium per traducem  
Statuminari posset, & repagulum  
Paci vniuersæ fraudulenter obijci,  
Aduersus ibat: iamque per cuniculos  
Occultiores, inuolucra, retia,  
Cæcosque ductus, expeditus integrum  
Velamen istud & Tyrannidis peplum  
Audax leuarat, & diluculi facem  
Præferre mundo Christiano cœperat,  
Exlegitatis omnis & Tyrannidis  
Abominator, ofor, aduersarius,  
Apertus hostis: totus hoc pernox agens,  
Vt Antichristus in throno palam sedens  
Orbique notus, fauciarier intimis  
Et vulnerari posset in præcordijs,  
Non destruendus integer, nisi vltimus:  
Et ille tectus clanculum in mysterio  
Paucisque notus, clancularijs modis  
Agens vbique proderetur, & semel  
Nudus pateret Christiano sæculo.  
Priore peior, quo latentiùs piâ  
Laruâ subintrans, nescienti sæculo  
Et dormienti compedes graues parat:

Nec

Nec Papa Romæ nascitur solum, aut sedet,  
 Vbique oberrat, aut potenter obtinet,  
 Totumque ferme mancipat mundum sibi,  
 Securitati nuspiam vt fiet locus,  
 Occasione quisque primâ Papa fit:  
 Hic subiugandus vnus est, quin solus hic  
 Amoliendus, & repente Pax erit.

Sed heu ! quid istis expedit conatibus  
 Supraque vulgus inuidendis ausibus  
 Grauidare pectus, artuumque roborâ?  
 Quid ordinare spes in extremum iuuat?  
 Ponenda si repente sit prouincia,  
 Abortiendus fœtus, inque limine  
 Sistendus ausus, impetumque nobilem  
 Si promouere mors præoccupans vetat?  
 Vix inchoabat hanc prouinciam grauem  
 Laboriosam, veritatis, & sacræ  
 Pacis sacerdos, en volentem præuenit  
 Funesta nobis omnibusque mors pijs.  
 Heu triste damnum ! casus vter durior,  
 Vir iste tantus, an quod hocce tempore  
 Quo totus hunc sperabat orbis occidit?  
 Iamque inchoatæ terminus Tragœdiæ  
 Instabat, illa lætior catastrophe  
 Longum expetita, iamque mundus integer  
 Arrectus ibat, exitum desiderans:  
 Quum summus hic choragus, ah dolor, perit.

**Exceſſ**



Excelsus ille masculusque spiritus,  
 Erectus ille disputator, igneus,  
 Scrutator, acer, atque perspicax, potens,  
 Mediator omnis veritatis, strenuus  
 Pietatis author, sanctitatis regula,  
 Contemptor umbræ, vitæque nominis,  
 Solaque recti conscientia potens:  
 Cui vita tota perpersecutio  
 Meditationis, iniquis scrutatio  
 Sententiarum sensuumque spiritus,  
 Et utriusque vinculum Precatio.

Sed, heu, quiescit, conticeffit, & silet,  
 Simul illa blanda, suada, mitis, mellea,  
 Pacemque semper & modestiam loquens  
 Sonansque lingua, nec loquetur amplius  
 Illa inuidendum nomen, impeccabilis  
 Veracitatis vnicum spirans Deum:  
 Non illa læna prurientium aurium  
 Populique manceps obstetrixue sæculi  
 Antiquioris aut nouelli subiugis,  
 Nec illa dicax & proterue ebulliens  
 Vomensque quicquid impotens furor iubet  
 Et crudabilis: sed suavis, efficax,  
 Neruosa, toto spiritu verbi potens,  
 Suasuque leni conscientias trahens  
 Rapiensque veri simplice efficaciâ.

At tu beatus ter quaterque & amplius,

Ereptus

**Ereptus omni temporum infortunio:**

Vir magne, tutus, inque portu nauigas,  
 Litaſti abunde Patriæ, Chriſto, Deo,  
 Eccleſiæque: viue iam ſatur Deo,  
 Chriſtoque, cuius ( ſpiritum vix dum trahens,  
 Totuſque ſummis obrutus doloribus )  
 Mortem cruentam & mortis efficaciam  
 Deſiderabas uſque & uſque noſcere,  
 Et illud ipſum, quod laborant Angeli  
 Videre, tota perſequens vi ſpiritus,  
 Si forte poſſes apprehendere & frui;  
 Fruere uſque & uſque, præmiumque gloriæ  
 Capeſſe ſœlix, & tuum fructum metas.

Postquam fuiſti totius calumniæ  
 Iniuriæque & inuidentiæ ſcopus,  
 Centrumque, cuius innocentis in caput  
 Cohors malorum incurſitauit vndique  
 Hirudo famæ, carnifex, calumnia,  
 Hominesque vel fortiſſimos expectorans,  
 Suſpectionum crudelarum vanitas,  
 Semper recurrens, obſtetrix licentiæ,  
 Et pertinacis impudentiæ nutrix.  
 Ipliſque ſemper innocentibus grauis:  
 Expertus omne quicquid integer Satan  
 Præter cruentam & vltimam mortem poteſt,  
 Patienſque ſemper, & malum ingerentibus.  
 Benedictione non malo retalians,

**H** Veniam-

Veniamque poscens & Dei clementiam:  
 Voluisti abunde spiritu toto tuo  
 Prodesse mundo. Possenon erat tuum:  
 Nil præter ipsum velle Rex mortalibus,  
 Concessit vllis, ipse providentiam  
 Sibi referuat, exitumque dirigit.  
 Et quod profecto proderit remedium  
 Si nolit orbis calcitrator, & suam  
 Propriam salutem prodige abliguriens,  
 Quin omne pacis decoquens remedium?  
 Malo subinde corrigi atque absentia  
 Boni videtur velle, nec Deus suam  
 Benignitatem prodigus sic abiicit:  
 Sed ambienti liberaliter locat  
 Custodiendam & æquitatem terminat  
 Donationem: in quid expergiscimur?  
 Fors quem medentem contumaciter diu  
 Ingratus orbis calcitroque respuit:  
 Desiderabit ambietque serio  
 Postquam carendo sentiet damnum boni.  
 Vnum relinquis posteris solatium  
 Quod magna de te seminata copia  
 Zelare discet Christiano spiritu,  
 Tuoque, per calumnias & per cruces  
 Iniuriasque & contumelias graues.  
 Per omne quicquid aut vaser Satan potest,  
 Aut vniuersa Spiritus potentia,

Hominumve zelus & furens licentia.  
Dum veritati, conscientia & sacrae  
Paci, litare possit & summi Dei  
Christique Reges vindicare gloriam.  
Tu Christe tantum Rex propitius faue.  
Hoc apprecare quisquis ad pacem vides,  
Orbique poscis orphano novum Patrem.

*Posui mastus*

*M. Simon Egberti Episcopi  
Amstelodamensis.*

AD EVNDEM  
SCAZONTES.

**B** *Eate Doctor, os sacrum juventuti,  
Quotquot tulerunt ingeni tui fructum.  
Pie eruditi, nos tue parentantes  
Sacrae Memoriae, postumumque lugentes  
Vale, coacti flere fuimus, haud ore  
Digno, imparique verba nostra conari  
Tentatu: adegit illud eloqui regnum.  
Nulli canendum; adegit sanctitas gratæ  
Vitæque & oris: quæque contigit nulli  
Mens nata summis, summitatis exosa*

*Hic Tu*

*Titulos fugaces, libera ambitu vano.  
 Ignosce: Nostra nam loquacitas tantis  
 Præconiorum molibus fuit muta -  
 Lacrymisque iustis: voxque nostra conata  
 Cantare laudes faucibus stetit primis.  
 Sed hoc abundè est. Claudicamus en rursus,  
 Atque ire euntes primulum, pedes fallunt,  
 Ignosce Doctor: Nam nec ipse mæroris  
 Mei, tuique encomij modum novi.*

## EPIGRAMMA

*In Morbum ejusdem.*

**D**um latuit parvâ sublimis spiritus arce  
 Armin, ille quidem floruit usque ma-  
 gis:  
 At plus, extremos quum vitæ carperet usus  
 Pars fuit hæc vigilans, pars fuit illa gravis.  
 Quid mirum est? Animus nunquam majori-  
 bus arsit  
 Ignibus, hinc valuit corpus inane minus

V. R.

F I N I S.